

ՀԱՅԿԱԿԱՆ ՀԱՐՑԸ ՍԵՐԲԱԿԱՆ ՄԱՄՈՒՆՈՒՄ

(XIX դարի վերջ—XX դարի սկիզբ)

Ա. Ա. ՀՈՎԱԿԻՄՅԱՆ

XIX դարի վերջին—XX դարի սկզբին սերբական մամուլը լայնորեն անդրադարձավ Հայկական հարցին, օսմանյան տիրապետության դեմ ուղղված հայ ազատագրական պայքարին, Հրապարակվեցին լուրեր, քաղաքական տեսություններ, հրապարակախոսական ելույթներ և այլ նյութեր: Սերբ հասարակության մեջ Հայկական հարցին առաջիններից մեկն անդրադարձավ ակադեմիկոս հասարակական գործիչ, լուսավորիչ, հեղափոխական, 1875—1878 թթ. Բոսնիայի և Հերցեգովինայի հակաթուրքական ապստամբության եռանդուն մասնակից, վարդապետ Վասա Պելագիչը (1838—1899): «Բոսնիական-հերցեգովինյան ապստամբության պատմություն» (1879-թ.) իր ծրագրային աշխատության մեջ նա հայ ժողովրդի ազատասիրական ձգտումները միավորում էր բալկանյան աղգների նույնաման դիրքորոշման հետ, հույս հայտնելով, որ արդարությունը կհաղթանակի և Ռուսաստանի ու Թուրքիայի միջև բաժանված Հայկական տարածքներում ի վերջո կստեղծվի հայ անկախ և միացյալ պետություն¹:

Սերբական լրագրերից և հանդեսներից շատերը բազմիցս հաղորդագրություններ էին տպագրում Հայկական հարցի վերաբերյալ մեծ տերությունների դիվանագետների և թուրքական կառավարության միջև տեղի ունեցող բանակցությունների, Բեռլինի պայմանագրի դրույթների կատարումը Թուրքիային պարտադրելու անհրաժեշտության և Հայաստանում անհապաղ քաղաքականություններ իրականացնելու մասին: «Այն, որ բուլղարները, հույներն ու հայերը իրենք են ուզում իրենց կառավարել,—գրում էր 1880 թ. Բելգրադի «Վիզելո» («Լույս») լրագիրը,—դա հասկանալի է, քանի որ բոլոր այս ժողովուրդները ամբողջովին քրիստոնեական են, և թուրքական կեղծ համակարգը չի համապատասխանում նրանց բնավորությանը»²:

Սերբական և չերնոգորական պարբերական մամուլում լայն արձագանք գտան 1894—1896 թթ. ողբերգական դեպքերը՝ Արևմտյան Հայաստանի և Կոստանդնուպոլսի հայ բնակչության կոտորածները: Տարբեր քաղաքական կուսակցությունների և հոսանքների պարբերականները միմյանց հետ համերաշխ էին սուլթանական կառավարության հակամարդկային գործողությունների դատապարտման խնդրում: «Եթե Թուրքիան չգործադրի բոլոր հնարավոր միջոցները մեղավորներին խստորեն պատժելու համար,—Սասունի դեպքերի առիթով գրում էր Նովի Սադի «Բրանիկ» («Պաշտպանություն») լրագիրը,—ապա այս հայկական դեպքերից ամեն տեսակ բան կարող է առաջանալ, և Թուրքիան կարող է մի այնպիսի դառն ստանալ, որն ավելի լավ է ըմբռնելու, քան այն մեկը, որը նրան կարգացել էին Բեռլինի կոնֆերանսի ժամանակ»³: Նույն լրագրի էջերում 1895 թ. տպագրված «Բարենորոգումները Թուրքիայում» խմբագրական հոդվածի հեղինակը, «Այաքս» կեղծանվան տակ, խոսելով Թուրքիայում որևէ բարենորոգումներ անցկացնելու անհնարինության մասին, նշում էր. «Ղրիմի պատերազմից և Փարիզի

¹ В. Псл аг и н. Историја босанско-ерцеговачке буне. Београд, 1882, с. 179—181.

² Вяздело, 1880, № 77, с. 1.

³ Браник, 1894, № 140, с. 3.

վեհաժողովից անմիջապես հետո Թուրքիան խոստացավ դավանանքների իրավահավասարություն հաստատել: Սակայն արդյո՞ք այսօր Թուրքիայի քրիստոնյաները իրավահավասար են «տղղահավատներին» հետ: Արդյո՞ք նրանց տվեցին որևէ արտոնություն: Ամեն ինչ մնաց առաջվա պես, և դրանով կարելի է բացատրել արև, որ Թուրքիան կորցնում է իր գավառները մեկը մյուսի հետևից:

Դժվար թե որևէ բան փոխվի նաև Հայաստանի բարենորոգումների կապակցությամբ: Թուրքիան խոստացավ այդ բարենորոգումները միայն այն փակուղուց դուրս գալու համար, որի մեջ նա հայտնվել է եվրոպական տնտեսությունների ճնշման տակ: Սակայն դատարկ խոստումներից մինչև իրական գործերը տանող ճանապարհը չափազանց երկար է: Հենց որ կրքերը հանդարտվեն, Թուրքիան մոռանալու է իր այս բարենորոգումների մասին: Թուրքիան ընդունակ չէ բարենորոգումների:

Սակայն եթե պաշտոնական Թուրքիան նույնիսկ ուզենար բարենորոգումներ իրականացնել, այդ բանի համար նրա ուժերը չէին բավականացնելու: Մահմեդական տարրը չի է մոլեռանդությամբ, և ամեն մի զիջումը քրիստոնյաներին Թուրքերը համարում են թուլության նշան, դավաճանություն իսլամի նկատմամբ: Թուրքիայում տիրում է միջնադարյան ըմբռնում, ըստ որի Թուրքերը երկրի տիրակալներն են, իսկ քրիստոնյաները՝ ժառանգորդներ պարտավոր են կռահել և կատարել իրենց տիրոջ կամքը: Կոստանդնուպոլսում տեղի ունեցած վերջին ընդհարումները ցույց տվեցին, թե որչափ են Թուրքերը գրգռված: Արդեն թափվել է արյունը, իսկ երբ գործը գրսն է հասնում, դժվար թե կարելի է մտածել, որ Թուրքերը հանգիստ կերպով կընդունեն որևէ հայկական ինքնավարություն:

Միաժամանակ դժվար թե խոստացած բարենորոգումները գոհացնեն նաև հայերին, նույնիսկ այն դեպքում, եթե նրանք բոլորը կիրականացվեն: Չկա ոչ մի ժողովուրդ, որը կիսազատությամբ բավարարվեր: Բոլորն էլ ջանում են լրիվ անկախ դառնալ: Արդպես էր Սերբիայի, Ռումինիայի և Բուլղարիայի պարագայում: Եթե երբեկից ստեղծվի հայկական ներքին ինքնավարություն, դա լինելու է առաջին հաջողությունը միայն, որին կհետևի նրանց լիակատար ազատագրումը:

... Հայրական հարցը գեռ շատ երկար է անհանգստացնելու Եվրոպային և լուծվելու է միայն այն ժամանակ, երբ որ Թուրքիան վերանա⁴:

«Բոսնիական-Հերցեգովինայի իստոլնիկը»⁵ Բոսնիայում սերբ ուղղափառ եկեղեցու պաշտոնաթերթը, մեկնաբանելով հայերի կոտորածի մասին հաղորդագրությունը, նշում էր, «որ այնքան ժամանակ, մինչև որ Թուրքիայում չի հաստատվելու իրական իրավահավասարություն նաև քրիստոնեական տարրերի համար, դժվար թե խաղաղություն լինի, քանի որ XIX դարը չի հանդուրժում ոչ մի բռնակալություն և հարստահարություն»⁶: Հայկական հարցին մեծ ուշադրություն էր նվիրում սերբական լավագույն հանդեսներից մեկը՝ Բելգրադի «Դեյոն» («Գործ»): Լյուբոմիր Յովանովիչի քաղաքական տեսություններում մանրամասն տեղեկություններ էին տրվում Արևմտյան Հայաստանում կատարվելիք բարենորոգումների հարցում մեծ տերությունների միջև ծագած տարաձայնությունների, Թուրքիայի հայ ազգաբնակչության բնաջնջման, Վանի և Զեյթունի հերոսական ինքնապաշտպանության մասին: «Հենց որ արտաքին ուժերի ճշման տակ ընդունվեց հայկական բարենորոգումների ծրագիրը,—գրում է սերբ հրապարակախոսը,—բռնկվեց վիրավորված մահմեդական մոլեռանդության ցասումը: Անատոլիայում բոցկրկնում է քաղաքացիական պատերազմ իր բոլոր սարսափներով և մշակված արևելյան դաժանությամբ... Եվ այն ժամանակ, երբ Հայաստանում անողորմաբար թափում են արյունը, թուրքական կառավարությունը, հասկանալով իր վիճակի հուսահատությունը և անզորությունը, անվճռականորեն

⁴ Браник, 1895, № 122, с. 1.

⁵ Босанско-Херцеговачки Источник, Сарајево, 1896, № 9, с. 337—338.

խոնարհվում է մերթ Եվրոպական ազդեցության, մերթ մուսուլմանական մոլեռանդության առջև: «Թուրքիային նախանշված է այն բոլոր նվաճող պետությունների ճակատագիրը, — շարունակում էր հեղինակը, — որտեղ մեկ փոքրաթիվ ժողովուրդ ճնշում է այսքան երկրներ և ժողովուրդներ, և այն էլ ոչ թե հանուն մշակույթի տարածման, այլ որպես յուրաքանչյուր մշակույթի և առաջագիտության թշնամի»⁶: «Ժամանակակից Թուրքիան ըստ նորարդուն հրապարակումների» (1897 թ.) անավարտ անստորագիր հողավածում, որի հեղինակն էր, ըստ երևույթին, նույն Լ. Յովանովիչը, դատապարտվում էին որոշ թուրք, ֆրանսիացի և գերմանացի պատմաբանների փորձերը՝ արդարացնելու Աբդուլ Համիդի քաղաքականությունը հայերի նկատմամբ. «Եթե թուրքական պետական գործիչները լինեին ավելի շրջահայաց, դժվար թե Հայկական հարցը այնպիսի կերպարանք ընդուներ, որը Եվրոպայում դարձնում էր փոթորիկ առաջացրեց: Ձուր էին թուրքերի բարեկամների ջանքերը մեղմացնելու այդ զայրույթը, կատարված ոճրագործությունների մեղքը բարդելով հայ հեղափոխականների վրա: Նրանք չկարողացան հասնել իրենց նպատակին, և թուրքերը վճարում են իրենց հեղինակությունը այն վնասի համար, որից նրանք կախող էին խուսափել, եթե հենց սկզբից փորձեին ընդառաջել հայերի արդար պահանջներին և կասեցնել խռովությունները»⁷: Քննադատելով թուրքերի կրոնի հանդուրժողականություն մասին դրույթը, հեղինակը նկատում է, որ «հայերի կոտորածներում... չկար ոչ մի բան, որը համապատասխանեց Դուրանի պատվիրաններին»⁸: Հետաքրքրական է, որ դեռևս 1896 թ. ժանոթանալով երիտթուրքերի գործունեության և ծրագրի հետ, Յովանովիչը հանգում է այն եզրակացության, որ նրանց ազգայնամոլ և համախառնական ձգտումները ոչնչով չեն տարբերվում սուլթանի քաղաքականությունից:

1902 թ. Սերբիայի խոշորագույն գրական ամսագրի՝ «Սրպակի կնյիժենի գլասնիկի» խմբագիր Սվետիսլավ Միմիչը տեղեկացնում էր իր ընթերցողներին Փարիզում լույս տեսնող «Պրո Արմենիա» ամսագրի հրատարակման մասին: Միմիչը նշում էր, որ ամսագրի կոչումն է «Եվրոպային ժանոթացնել Օսմանյան կայսրության մեջ տեղի ունեցող ողբերգական իրադարձությունների և Թուրքիայում իշխող վարչակարգի մասին, որը բոլոր դժբախտությունների պատճառն է: Հայերի վերջին կոտորածները Թուրքիայում և նրանց այսօրվա անտանելի վիճակը իրենց վրա հրավիրեցին ֆրանսիացի մարդասերների և հասարակական գործիչների ուշադրությունը, որոնք կարեկցանքով համակցեցին այդ քրիստոնյա ժողովրդի ողբերգական ճակատագրի հանդեպ»⁹: Հեղինակը համոզված էր, որ իր հայրենակիցները ակտիվորեն կաշխատակցեն ամսագրին, որը նույնիսկ էր հրատարակում ոչ միայն հայերի նկատմամբ գործած ոճրագործությունների, այլև թուրքական լծի տակ գտնվող Հին Սերբիայի, Մակեդոնիայի և Ալբանիայի քրիստոնյաների թշվառ վիճակի մասին:

«Այն փառած երկրից, որից լեռնահոտ է գալիս, հարձյալ լուրեր են հասնում քրիստոնյաների ջարդերի մասին, — գրում էր 1905 թ. օգոստոսին «Պրիտիկա» օրաթերթը: — Այն, ինչ որ այստեղ՝ Եվրոպայում, կատարվում է սերբերի նկատմամբ, այդ նույնը Ասիայում կատարվում է հայերի հետ... Մեր համակրանքը, որպես մի ժողովրդի, որը գտնվում է գրեթե նույն վիճակի մեջ, պետք է լինի հայերի հանդեպ: Կգա՞, արդյոք, այն ժամանակը, երբ այս դիակը, որի անունն է Օսմանյան կայսրություն, կզաղարի մեր օդը պղտորելուց»¹⁰:

⁶ Дело, 1895, кн. 8, с. 271, 275.

⁷ Дело, 1897, кн. 14, с. 299.

⁸ Դուրանի տեղում, էջ 256:

⁹ Српски книжевни гласник, 1902, кн. 5, с. 80.

¹⁰ Политика, 1905, 15. VIII, с. 1.

Երիտթուրքերի կողմից սանձազերծված հայերի ցեղասպանությունը նորից ալեկոծեց սերբ առաջադեմ հասարակայնությանը, որն իր ձայնը բարձրացրեց ի պաշտպանություն հայ ժողովրդի իրավունքների: «Սրպակի կնյի-ժենի գլասնիկ» («Սերբական դրական լրագր») ամսագրի քաղաքական տեսություններում, որոնք լույս էին տեսնում սերբ ականավոր պատմաբան և դիվանագետ Յովան Մ. Յովանովիչի (1869—1939) ստորագրությամբ, դատապարտվում էին երիտթուրքերի քաղաքական ծրագրերն ու գործողությունները, որոնք ուղղված էին Թուրքիայի քրիստոնյա ժողովուրդների ոչնչացմանը և որոնց հետևանքն էր Ադանայի ջարդը¹¹, 1912 թ. նույն ամսագիրը հրապարակում է ֆրանսիացի գրող Անատոլ Ֆրանսի երեք կրթոտ ճառերը, որոնք արտասանված էին 1903 թ. գարնանը «Ի պաշտպանություն Հայաստանի և Մակեդոնիայի» կոմիտեի կողմից Փարիզում և Հռոմում կազմակերպված համահավաքներում¹², ընդ որ վարչակարգի երկու և կես տարվա կառավարման ընթացքում Յովանյան կայսրությունում տեղի ունեցան այնքան ապստամբություններ, ինչքան չէր եղել նույնիսկ հին վարչակարգի գոյության տասը տարվա ընթացքում,—գրում էր 1911 թ. Սարայևոյի «Պրեզ-լեդ» («Տեսություն») ամսագիրը հպատակ ժողովուրդների նկատմամբ երիտթուրքերի վարած քաղաքականության մասին:—Ասիական ու եվրոպական Թուրքիայի բոլոր ժողովուրդները, առանց լեզուների և դավանանքների խտությունների, դժգոհ են գերակշռող ժողովրդից՝ թուրքերից: Քրիստոնյա ժողովուրդները՝ քանի որ նրանք զրկված են ազգային ոգով զարգանալու և առաջադիմելու հնարավորությունից, մահաբաղանները՝ գրեթե նույն պատճառով: Բուլղարները, հույները, սերբերը, ճիշտ այնպես, ինչպես արաբներն ու ալբանացիները, ինչպես հրեաները, իրենց կուլտուրական մակարդակով բարձր են թուրքերից... Այս ամենից բացի, գլուխ է բարձրացնում հին կրոնական մոլեռանդությունը, և կրոնական անհանդուրժողության ու թուրքական մեծամտության կրողները իրենց գործողություններն են սկսում ամեն ոչ-թուրքականի դեմ»¹³:

Սերբ մտավորականության դեմոկրատական շրջանները, և առաջին հերթին սոցիալ-դեմոկրատները, հանդես էին գալիս ի պաշտպանություն Հայկական հարցի արդար լուծման, վերջինիս հետ կապելով թուրքական լծի տակ դեռ մնացած սերբ, բուլղար և ալբան ժողովուրդների մի մասի ազատագրման հարցերը: Թուրքիայում հալածվող քրիստոնյա ժողովուրդների վիճակին մի քանի հոգվածներ նվիրեցին սերբ սոցիալ-դեմոկրատական կուսակցությունը՝ առաջնորդներ Դիմիտրիե Տուցովիչը (1881—1914) և Դուլան Պոպովիչը (1884—1918) «Բորբա» («Պայքար», Բելգրադ) ամսագրում: «Երիտթուրքերի վարչակարգը Թուրքիայում,—գրում էր Տուցովիչը 1910 թ. «Կախաղանների երկրից» հոդվածում,—իսկ սարսափներով գերազանցում է ամենադաժան թուրք փաշաների և ռուս նահանգապետների տիրապետությունը: Մեր համոզմունքով, նման օրինակ չես գտնի մարդկային բռնապետության պատմության մեջ»¹⁴, նա գտնում էր, որ Թուրքիայում տեղի ունեցած ողբերգական դեպքերի գլխավոր մեղավորը եվրոպական կապիտալիզմն է, որը, սեփական շահերից ելնելով, անտեսում է ստրկացած ժողովուրդների ձրգտումները: «Արդյոք նրան (եվրոպական կապիտալիզմին—Ա. Հ.) հետաքրքրում են ալբանական խնդիրը, հայերի վիճակը կամ Մակեդոնիայի և Հին Սերբիայի քրիստոնյաների կարիքները»¹⁵, Որպես այս եզրակացությունը հաստատող օրինակ Դ. Պոպովիչը բերում է հայկական կոտորածների օրերին ֆրանսիական կառավարության վարձագիծը. ֆրանսիական ռազմականների

¹¹ Српски књижевни гласник, 1909, кн. 22, с. 700—703; кн. 23, с. 547—552; 1910, кн. 24, с. 228—229; 1913, кн. 31, с. 475—476.

¹² Српски књижевни гласник, 1912, кн. 29, бр. 9, с. 714—720.

¹³ Преглед, 1911, бр. 1—3, с. 129—130.

¹⁴ Борба, 1910, бр. 14, с. 522.

¹⁵ Նույն տեղում:

Թուրքիայի ափերի մոտ ուղարկելու պատճառն էր հանդիսացել ոչ թե 300 հազար անմեղ հայերի ոչնչացումը, այլ 300 հազար թուրքական լիրաները, որոնք սուլթանը հրաժարվել էր վճարել ֆրանսիացի երկու առևտրականներին¹⁶, Բալկանյան պատերազմների և առաջին համաշխարհային պատերազմի տարիներին հրապարակված Պոպովիչի հոդվածներում և ելույթներում թուրք ֆանատիկոսների արյունալի ոճրադրությունները խստագույն արվեստական բնական ճանաչողության նկատմամբ բազմիցս զուգորդվում էին հայկական կոտորածների հետ: «Թուրքեր, դուրս ելրոպայից» հոդվածում, որի մեղմացած տարբերակը տպագրվել է «Ռադնիչկե նովինե» («Բանվորական թերթ»), Բելգրադ) լուսագրի էջերում 1912 թ. օգոստոսի 15-ին, նշվում էր. «Հայկական կոտորածները, որոնք 1895 թ. սարսափեցրել էին ողջ կուլտուրական եվրոպային, նորից կրկնվում են փոքրապատկերով. Ամբողջ տարբերությունը միայն այն է, որ այժմ այս արյունալի իռադաժությունների ասպարեզ է ոչ թե Փոքր Ասիան, այլ եվրոպան: Ահա՛ որչափ է առաջադիմել» Թուրքիան գրեթե երկու տասնամյակների ընթացքում: Բոլոր այս դեպքերը միայն կրկին հաստատում են հին և փորձված ճշմարտությունը. անհող, անկուլտուրական և, առավել ևս, հակակուլտուրականորեն տրամադրված, պորտաբույծ և մոլեռանդ թուրքական կաստային եվրոպայում տեղ չպետք է լինի, և դեռ ավելին, նա ոչ մի իրավունք չունի իշխել իրենից անհամեմատ ավելի կուլտուրական և առաջադիմություն ունեցող ժողովուրդների վրա»¹⁷, 1915 թ. փետրվարին, մեկնաբանելով Սան-Ֆրանցիսկոյում համաշխարհային, ցուցահանդեսի բացման մասին հաղորդագրությունը, «որտեղ ներկայացված են մարդկության մտքի և մշակույթի վերջին արդյունքները», Պոպովիչը ոչնչացնող և թունոտ բնութագիր է տալիս Թուրքիային. «Թուրքիան ուղարկել է մի հոյակապ դաշույն, ամբողջապես ադամանդների և արյան մեջ: Դա զլուխ կտրելու համար ամենակատարյալ միջոց է: Դրանում համոզվեցին հայերը՝ 1896-ին, մակեդոնացիները՝ 1903-ին, արաբացիները՝ 1910-ին, հույները Փոքր Ասիայում՝ այս տարի: Մի հարվածով կարելի է կտրել ադամանդորը, և վզի ողները»¹⁸,

1914 թ. «Բորբա» ամսագրում հրապարակվում է սերբ սոցիալ-դեմոկրատական կուսակցության առաջնորդներից մեկի, հետազգայում ստալինյան ռեժիմի կողմից ռեպրեսիայի ենթարկված Ֆիլիպ Ֆիլիպովիչի (1878—1938) հոդվածը՝ «Պայքար Փոքր Ասիայի շուրջ» վերնագրով: Հոդվածում, որը գրվել էր առաջին համաշխարհային պատերազմի տևելուց մի քանի ամիս առաջ, քննարկվում էին Գերմանիայի քաղաքական շահերը Փոքր Ասիայում: Բաղադրի երկաթուղու կառուցման կապակցությամբ և դրա պատճառով ծագած գերմանա-ռուսական հակասությունները, Հոդվածագիրը կանխադուշակեց Փոքր Ասիայի համար Գերմանիայի և Ռուսաստանի միջև պատերազմի անխուսափելիությունը: Ֆիլիպովիչի կարծիքով, այս ամենը. կհանդեցնի Հայկական հարցի արտակարգ սրմանը և դժբախտություն կրերի հայ ժողովրդին: Սերբ սոցիալիստի կանխագուշակումը իրականացավ ընդամենը մի քանի ամիս անց¹⁹:

1916 թ. ապրիլի 9-ին Փարիզի Սորբոնի համալսարանում տեղի ունեցած «Ֆրանսիացիների և օտարերկրացիների մերձեցման» հավաքույթին՝ ի նպաստ Հայկական հարցի և հայ ժողովրդի, ներկա էին, ի թիվս այլոց, նաև Սերբիայի ներկայացուցիչները²⁰, 1917 թ. հոկտեմբերին հրապարակված սերբ սոցիալ-դեմոկրատական կուսակցության հուշագրում Հայկական հարցի վերաբերյալ խոսվում էր հետևյալը. «Հայաստանին կապում են Թուրքիայի

¹⁶ Борба, 1910, бр. 1, с. 29—30.

¹⁷ Д. Попович, Сабрана дела. Кн. 2. Београд, 1985, с. 251—252.

¹⁸ Նույն տեղում, հ. 3, էջ 505.

¹⁹ Борба, 1914, кн. 7, бр. 6—7, с. 206—213, 251—255.

²⁰ «Արարատ», 1916, № 5—6, էջ 368—369.

հետ միայն արյան ծովու անմեղ մարդկանց սպանությունները և հուշերը սարսափների մասին: Այդ աշխույժ, եռանդուն, քաղաքակիրթ և համակերպի ժողովուրդը պե՞տ է գեթ ազաավի թուրքական ռարբարոսությունից: Հալաստանը պե՞տ է դառնա անկախ ազատություն կամ, ինչը ավելի լավ է, միանա Ռուսական հանրապետությանը, որպես ֆեդերացիայի անդամ հավասար իրավունքներով»²¹: Սերը սոցիալ-դեմոկրատների կարծիքով, միայն բոլոր հարստահարված ժողովուրդների միացյալ պայքարը ազգային և հասարակական խարականության դեմ կարող է բերել ազատության նվաճման:

АРМЯНСКИЙ ВОПРОС В СЕРБСКОЙ ПЕРИОДИЧЕСКОЙ ПЕЧАТИ (Конец XIX—начало XX века)

А. А. ОВАКИМЯН

Резюме

В конце XIX—начале XX в. сербская общественная мысль широко обсуждала положение армянского народа в Османской Турции и Армянский вопрос, объединения освободительные устремления армян с чаяниями балканских славян, еще находящих под турецким гнетом. Одним из первых в сербской действительности справедливого разрешения Армянского вопроса требовал крупный национальный деятель, писатель В. Пелагич. Резня армян в Турции в 1894—1896, 1909 гг. вызвала многочисленные протесты и сочувственные отклики в сербской и черногорской периодической печати. В защиту прав армянского народа выступили лидеры сербской социал-демократической партии Д. Тузович, Д. Попович, Ф. Филипович. В меморандуме партии (октябрь 1917 г.) содержалось требование об освобождении Армении и создании независимого армянского государства.

²¹ Д. Попович. Сабрана дела. Кн. 4. Београд, 1986, с. 64.